

EDITORIAL

Paregtaen ti umili a mangpalawa iti pananglaban iti rehimeng a US-Marcos

Iti naglabas a tawen, nagtultuloy a rimmang-ay ti panagkaykaya dagiti umili a Pilipino a mangilaban iti pagsapulanda, mangsalaknib iti karbeangan da, mangitandudo iti hustisa, ken mangitandudo iti nailian a waya-waya. Iti sanguanan ti di masolbar a krisis ti agturturay a malakolonyal ken malapyudal a sistema, kannigid-kannawan dagiti kontra-pagilian ken kontra-demokratiko nga annuroten ken tignay ti pasista nga US-Marcos a rehimeng. Dagitoy ti mangiduron kadagiti umili nga agkaykaya ken manglaban iti panangiturayda.

Umad-ado ti bilang dagiti mangmangged, ken dagiti ordinaryo a trabahador a makidangdang para iti karbengan da iti makiabag a sueldo ken tangdan. Ad-adda pay a tumibikber ti takder dagiti drayber ken opereytor ti dyip iti panangidepensa da iti pagbiaganda maibusor iti jeepney phasseout. Kamaymaysa da dagiti agtutubo a mangsupsupiat met iti nakaro a panagnato ti matrikula ken gastos iti edukasyon. Iti nadumaduma a paset ti pagilian, salsalakniban dagiti umili ti kalintegan da iti daga, kabambantayan, karayan, baybay, ken dagiti pagbiagan da maibusor iti pananggamgam ken panangdadael dagiti agkakumplot a ganggannaet, dadakkel a kapitalista ken apo't daga. Singsingiren da ti rehimeng nga US-Marcos iti kinakurang a panagsagana ken tignay iti sango ti nakaro a didigra a pinataod ti tikag bayat ti El Niño ken dagiti paglin-tegan na a mangdaddadael iti aglawlaw.

Rimmegta ti pangbusor ti nalawa nga intar ti umili iti

plano dagiti pasurot ni Marcos a *charter change*, a mangpasingked kadagiti neoliberal a pamuspusan iti 1987 a konstitusyon ken mangitunton kadagiti panagbalbaliw a mangpaatiddog iti bileg dagiti politiko. Kumarkaro met ti ibibusor iti pannakibiang ti US iti militar ti Pilipinas, panangisungsong na iti gubat ken pannakaipalgak ti pagilian iti imperialista a pannakalakubna iti China, bayat nga umaw-a-wag dagiti umili iti natal-

na a pannakarisot dagiti isyu iti nagbaeten ti Pilipinas ken China mainaig kadagiti territoryo ti baybay idia West Philippine Sea. Agtultuloy ken rumangrang-ay ti suporta kadagiti umili ti Palestine maibusor iti genocide nga araramiden ti US ken ti Zionist nga Israel. Situtured a sumarsaranget ti umili iti rumrumkuas a kinaulpit ni Marcos. Balligi da ti desisyon ti Korte Suprema a maibusor iti *Red-tagging* ken pabor iti pannakaited ti *writ of amparo* kadagiti biktima.

Pagilasinan ti di masolbar a krisis iti ekonomya ken politika ti agturturay a sistema ti kannigid-kannawan a militante a panagsupiat ti umili. Iti sidong dagiti narigat ken naranggas nga addang ti kontra-u-



mili ken aso-aso a rehim Marcos, awanen ti sabali a pagkamangan ti umili no di ti panagkaykaya, panagtignay ken pannakidangadang. iti sanguanan ti panaginbibingngeg ni Marcos, ad-adda a masapul a maipangpangruna ti ikkis dagiti umili nga agkidkiddaw iti dagus ken manayon a panagbalbaliw. Tapno epektibo ti pannakigubat, masapul a maallukoy ti ad-ado a paset ti umili.

Tapno mapatignay ti nalawa nga umili ken mairugi ti inisyatiba da a makilaban, rumbeng a mangrungi dayta iti kasasaad ti napolitikaan a kaamoan ken kinasagana dagiti masa. Ti kangrunaan a pannursuro ti Partido ket rumbeng a patignayan dagiti aktibo ken abante a benneg ti masa, tapno magaw-at ti akintenga ng aken awiden dagiti atrasado. Mainaig iti dayta, rebbengen dagiti kangrunaan a nailian-demokratiko a puersa a riingen ken allukuyen dagiti masa nga agtignay babaen ti iyaasideg ken panagkaykaya kada- gitit nadumaduma nga organisasyon da, wenco ti panangbangon kadagiti nadumaduma a kita ti asosasyon a naibatay iti nagkaykaya a takder dagiti masa kadagiti kangrunaan a parikot dagiti umili.

Ado a masa ti sisasagana a sumrek kadagiti nailian-demokrati-

ko nga organisasyon ken determinado nga agtignay para iti komprehensibo a panagbalbaliw ti kagimungan. Rumbeng a nasaknap ida nga organisaen. Ngem ad-ado pay ti sisasagana a makikadua ken makipaset maibatay iti nadumaduma a progresibo, nailian ken maka-umili a panggep, wenco maibatay iti gagangay ken kadawayan a pagrebbe- ngen iti panagbiag wenco kasasaad. Situtulok da a sumrek iti nadumaduma a kita ti organisasyon, ken silulukat da kadagiti nadumaduma a wagas ti panagtignay. Nasken a masarakan dagitoy, maibangon dagiti maitutop a porma ti organisasyon ken maiturong da iti dalan ti militante a pannakidangadang. Rumbeng nga igaed ti panagpartuat kadagiti pamuspusan ken langa ti panang-organisar ken panangpaignay iti masa.

Kabayatan na, ti nainget a pagrebbengen ti amin a nailian-demokratiko a puersa ket agturong iti masa ken ingga't bael nga agisayangkat ti pangkagimongan a panagsukisok, propaganda ken panag-organisar. Masapol a mapan ken agtrabaho da a naan-anay kadagiti paktorya, kadagiti napanglaw a komunidad iti syudad ken away, uray pay kadagiti eskwelaan, opisina, ken

sadinoman a pagnaedan wenco panggedan ti kaadoan. Babaen iti dayta, matakwanan dagiti umiso wenco epektibo a porma, agpada a kadaanan ken baro, ti propaganda ken panangorganisar iti masa.

Masapul nga agbalintayo a natured, napigsa ti pakinakem, addaan ganuat ken managpartuat iti panagpropaganda ken panag-organisa iti masa. Masapul a maikkat ti amin a langa ti burukratismo ken liberalismo, ken agannad iti populismo, buntotismo, komandismo ken ti panangliklik iti propaganda. Nasken a sukimaten dagiti kababalin ken estilo ti panagtrabaho a mangitan- dudo itiabilidad dagiti nailian-demokratiko a puersa a mangammo iti kongkreto a kasasaad dagiti masa, dagiti nagduduma a parikot da, dagiti gagangay a tarigagay da, ti tu- kad ti pannakaawat da ken ti kina- tulok da nga agtignay ken makigu- bat.

Naimpusuan ti tarigagay dagiti umili ti Pilipinas a makidangadang iti sanguanan ti nakaro a krisis ken ti awan-anawa a panangidadanes ken panangirurumen kadakuada ti kontra-umili ken pasista a rehim ti US-Marcos. Determinado da a mangitultuloy iti pannakidangadang para iti salun-at da, pagbia- gan, ken kalintegan da, ken para iti wayawaya ken kinatalged ti pagili- an.

Ti naimpusuan a tarigagay dagiti umili a lumaban ket nasken a batugan ti determinasyon dagiti nailian-demokratiko a puersa a riingen, organisaen ken patignayan dagiti mangmangged, mammalon, masa nga anak ling-et, ken amin a demokratiko a sektor. Dagiti kadre ken kameng ti Partido ket masapul nga agserbi a pagwadan iti pan- ngidaulo iti di agimbubukodan a pannakipaset, panangparegta ken panag-organisar tapno paunegen ken palawaen dagiti ramut ti Partido iti intar ti masa. Isuda ti mangidaulo iti panangpatanor iti kapanu- notan nga agpannuray ken agtalek iti masa, ken iti kapanunutan a dagiti laeng masa ti agaramid ti paka- saritaan.

ANG Bayan

Tawen LV No. 10 | Mayo 21, 2024

Ti Ang Bayan ket maipabpablaak iti lengwahe a Pilipino, Bisaya, Iloko, Hiligaynon, Waray ken Ingles. Agaw- awat ti Ang Bayan kadagiti kontribusyon nga artikulo ken damdamag. Maallukoy met dagiti agbasbasa nga agidanun kadagiti dillaw ken rekomendasyon para iti panagdur-as ti pagiwarnak tayo.

Linaon

Editoryal: Paregtaen ti mangpalawa iti panglaban ti umili iti rehim Marcos	1
International Peoples' Tribunal	3
Asino ti kadakkelan a Red-tagger?	4
Dagiti militar ti US ken Australia iti Pilipinas	5
Dagiti protesta	5
Labanan ti operasyon ti MMCI idiy Kalinga	5
Dagiti minero idiy Benguet, nagbarikada	6
Awan pay laeng ti hustisa idiy Marawi City	6
68-ektarya a daga, naipagballigi	6
"Nadalus" nga enerhiya idiy Batangas	7
Iti ababa a sarita	8
Dagiti panagbomba, panagreste ken kinaranggas	9
Maika-76 a tawen ti Al Nakba, linagip	10

Ti Ang Bayan ket ipabpablaak ti Komite Sentral
ti Partido Komunista ng Pilipinas dua a dasas iti tunggal bulan



ang.bayan@cpp.ph

IPT: US, Duterte, ken Marcos Jr, napaneknekan a nagbasol kadagiti krimen iti gubat

Ti International People's Tribunal (IPT) ket nangikeddeng idi Mayo 18 a nagbasol ti rehimén da Duterte ken Marcos Jr., ti gobyerno ti Republika ti Pilipinas (GRP), ken ti US a tinaming ni Joseph Biden, iti panaglabsing kadagiti karbengan ti tao dagiti Pilipino ken ti internasyonal a linteg a makatao.

Ti IPT ket maysa a sangalubongan a korte a buklen dagiti legal nga eksperto a mangimbestigar kadagiti panaglabsing iti kalintegan ti tao ken ti internasyonal a linteg a makatao iti nadumaduma a pagilian. Daytoy ket nabangon idi 1979 ken nakaaramid ti 46 a sesyon, a pakairaman ti innem a maipanggep iti Pilipinas.

Sigun ken ni Severine de Laveleye, miyembro ti Chamber of Representatives ti Belgium, ken maysa kadagiti hurado ti IPT ita a tawen, ti panagimdengda ti nangpaneknek a manipod idi turay ni Duterte agingga iti agdama a turay ni Marcos, agtultuloy ti sistematiko a panaglab sing kadagiti karbengan ti tao dagiti kritiko ti gobyerno, a sinuportaran ti US.

Paneknekan daytoy dagiti nairekord a kasó ti panagtiktok, panangbutbuteng, panagdukot ken inkapilitan a panangpukaw, panangpapatay ken panagmasaker ti Armed Forces of the Philippines (AFP) kadagiti sibilyan a kritiko ti gobyerno iti sidong ti kontra-insurhensya a prográma ti

dua a rehimén.

Dadduma kadagiti kasó a nala tak a nangngegan ket ti panangpapatay ti AFP kadagiti sibilyan, a pakairamanan ti pamilya Fausto idiy Negros, dagiti Tumandok idiy Panay, ken dagiti boluntaryo a man nursuro kadagiti Lumad a pagadalán idiy Mindanao.

Maysa pay ket dagiti *aerial bombings* kadagiti komunidad nga insilpo ti militar iti New People's Army (NPA). Iti listaan ti Karapatan, adda 378,203 a biktima ti panaglabsing ti karbengan ti tao a mainaig kadagiti panagbomba iti sidong ti turay ni Duterte, idinto a 22,391 iti sidong ti turay ni Marcos.

Karaman kadagiti nangngeg ti tribunal ket dagiti kasó ti di makatao a panangtrato ti militar kadagiti miyembro ti NPA. Naammoanda nga agtultuloy ti panangpapatay ti militar kadagiti *hors de combat* wenne saan a makabael a lumaban a manakigubat ti NPA. Malaksid iti dayta, adda met dagiti nadokumento a kasó ti panangtulaw ti militar kadagiti banakav daqiti napapatav a rebolu-

syonaryo a manakigubat.

"Ti masansan ken kaado dagtoy a kasó ti mangpaneknek a maararamid daytoy kas paset ti patakaran ti GRP", innayon dagiti hurado.

Mainaig iti daytoy, impaganet get met ti IPT ti suporta ti US iti programa ti kontra-insurhensya ti gobyerno ti Pilipinas, a kunada ket naadaw iti estratehiya ti US.

Maysa kadagiti kangrunaan a panggep ti Balikatan exercises ket ti panangpatibker ti kinamanagsaga na ti GRP iti kontra-insurhensya. Kanayonanna, agdagupen iti \$ 1.14 bilyon ti kantidad dagiti aramaten a militar nga inlatang ti US iti Pilipinas.

Kabayatanna, dagiti grupo iti karbengan-tao iti Pilipinas ket immannamong iti desisyon ti IPT.

"Ti lokal a mekanismo ket napaay iti panagbirok ti hustisya dagiti biktima ditoy Pilipinas, isu nga ti International Peoples' Tribunal ket maysa a dakkel a larangan tapno maaddaan dagiti biktima iti gundaway a mangusig kadagiti kasó ti panaglab sing ti administrasyon da Duterte ken Marcos Jr. kadagiti karbengan ti tao", kuna ni Atty. Sol Taule, abogado para iti grupo a Karapatan iti maysa a press conference.

Panggep dagiti grupo iti karbengan ti tao nga iwaragawag ti sentensya ti IPT kadagiti komunidad ken dadduma pay nga organisa syon, ken ipan daytoy iti Kongreso, kas paset ti tignay da a mangpasungbat kadagiti nairaman kadagiti panaglab sing ti kalintegan ti tao iti sidong ti dua a turay.

"No isubli tayo ti sentensya ti IPT kadagiti komunidad, ilawlawag tayo kadagiti kailian tayo a kasapultan ti agtultuloy nga edukasyon ken panagtignay tapno masalakniban ken mapadur-as dagiti kalintegan tayo", kinuna ni Raymond Palatino, pangkabuklan a kalihim ti Bagong Alyansang Makabayan.



Asino ti kadakkelan a Red-tagger?

Kadagiti napalabas a tawen agingga iti agdama, babaen ti panangidaulo dagiti batalyon ti Armed Forces of the Philippines, dagiti yunit ti Philippine National Police, kasta met dagiti opisyal ti NTF-Elcac ken Anti-Terrorism Council, naaramidan ti di maanawa a *Red-tagging*, panangpadakes ken malisyoso a panangiraman kadagiti sibilyan ken dagiti organisasyon da iti armado a tignay. Nabayagen nga ar-aramiden dayta ti reaksyonaryo nga estado ngem immirteng ken nagbalinen a sistematiko manipod idi panawen ti napalabas a turay ni Duterte agingga iti agdama a turay ni Marcos. Paset daytoy ti narugit a gubat kontra insurhensya ti reaksyonaryo nga estado a nakaturong kadagiti sibilyan.

Iti panawen ni Duterte, awan ti sektor, industriya, organisasyon wenco indibidwal nga addaan iti rikna a kritiko iti panagturay na, a pakairamanan dagiti kritiko iti kriminal a "gubat kontra droga", a naisalakan iti pangta na. Idi 2018, iti baet ti panangbusor iti "Red October", ri-nibo a tattao - dagiti medya, estudyante, lider ken kameng ti nailian-demokratiko nga organisasyon, atleta ken artista ti pinangtaan ni Duterte ken dagiti opisyal ti militar na.

Kadagiti naglabas a tawen agingga ita, saan a mabilang dagiti aktibidad, forum ken pannakaiwaras dagiti pammadakes ken *Red-tagging* dagiti nadumaduma a yunit ti militar iti media, pagadalan ken iti away. Uray idi panawen ti pandemya ti Covid-19, makumikom dagitoy a yunit a mangsugsog kadagiti sibilyan iti armado a tignay tapno piliten ida a "sumuko" ken dadaelen dagiti organisasyon da. Dagitoy met a yunit ti

militar ti nangirugi kadagiti nadumaduma a "youth summit" kadagiti unibersidad ken dagiti komunidad dagiti mannalon a kanayon a naka-sentro iti pannakadadael dagiti progresibo nga institusyon ken dagiti legal nga organisasyon ti masa.

Inusar ti rehimien ti ado nga opisyal iti tukad-baryo ken munisipyo tapno lipiten dagiti kabaryo da ken mangikkat ti krimen nga ar-aramiden ti AFP kadagiti bukod da a masakupan.

Ti NTF-Elcac ti kangrunaan a mangibagbagi iti daytoy a taktika, a tinaming dagiti kapepeklan a *Red-tagger* a kas kada Hermogenes Esperon Jr., Colonel Harold Cabunoc, Mocha Uson, Lorraine Badoy, Jeffrey Celiz, Salvador Panelo ken adu pay. Iti Senado, itay nabiit, ni Ronald "Bato" de la Rosa ti nangidaulo iti kannigid-kannawan a *red-tagging* a kadua dagiti traydor a kas kada Noel Legaspi, Joy Saguino, Kate Raca ken dadduma pay a nagpa-usar iti AFP.

Ti SMNI Network a kukua ti pasurot ni Duterte ken ita ket pugante a ni Apollo Quiboloy ket nagbalin a sentro ti nakaro a panangpadakes ken panagpangta. Ti Facebook, Youtube ken dadduma pay a *social media platform* ket nagbalin met a lugar ti naranggas ken makapapatay a panangdadael ken panangbutbuteng da.

Pangta iti biag, wayawaya ken kinatalged

Iti maysa a desisyon a naisurat idi Hulyo 4, 2023, indeklara ti Korte Suprema a ti *Red-tagging*, wenco ti dakes a pannakainaig dagiti sibilyan iti armado a gunglo, ket pangta iti biag, wayawaya ken kinatalged dagiti biktim. Ti desisyon ket nainaig iti napaboran a petisyon para iti *writ of amparo* ni Siegfred Deduro, dati a pannakabagi ti Bayan Muna Party-list. Naipablaak ti desisyon nga insurat ni Associate Justice Rodil V. Zalameda idi laeng Mayo 8.

Daytoy ti umuna a gundaway nga inikkan ti korte iti legal a kaipapanan ti konsepto ti *Red-tagging* iti Pilipinas. "Ti panangmarka iti maysa a tao kas "Red" wenco "Nalabaga" masansan a nainaig iti nainget a pangasiput, direkta a pananglipit, ken iti sumagmamano a gundaway, kamaudiananna ipapatay.

Gapo ta dagiti na-red-tag nga indibidwal ket nainaig kadagiti komunista wenco terorista, agbalin ida a puntirya dagiti vigilante, dagiti paramilitar a grupo wenco uray dagiti ahente ti estado isu a nalaka a maawatan no apay a maamak ti maysa a na-red-tag nga indibidwal a madangran iti biag na ken kinatalgedna", insurat ti Korte Suprema.

Sigun iti Korte Suprema, mabalin a maited ti *writ of amparo* kada-giti biktim ti *Red-tagging*, kasta met kadagiti biktim ti "panangpadakes, panangmarka, ken panangibilang a nakabasolda babaen ti pannakikadua (*guilt by association*) gapo ta "nalaka laeng a mailadawan" ti buteng a marikrikna ti biktim. AB



Agtultuloy dagiti war games ti US ken Australia iti Pilipinas



Ti Balikatan 39-24 ket opisyal a nälpas idi Mayo 10, ngem rinibo a soldado ti US ti adda pay laeng iti Pilipinas para iti maikadua a serye ti Salaknib-24 a damo a nairussuat idi Abril. Ado pay ti sumaruno a *war games* ti "nalimed" nga irüssuat ti US iti pagilian. Adda pay laeng dagiti soldado ti Australia iti pagilian para iti panagsanay a Kasangga.

Idi Mayo 11, naangay ti Salaknib iti ili ti Basco, Batanes. Iti linged ti "port improvement project" inrugti ti US Army ken Philippine Army ti panagbungag ti bato manipod iti Basco Port. Ti nasao a puerto ket maibilang a "sibilyan a puerto" ngem agserbinto a puerto dagiti bapor a pakigubat ti US. Mainayon ti sangladan kadagiti dadduma pay a pasibilidad a binangon ti US idiy Chadpidan, Basco ken idiy San Rafael, Itbayat ken Mavulis Island.

Kabayatanna, nangrugi ti Kasangga *war games* iti nagbaetan ti Philippine Army ken Australian Defense Force (ADF) a nakipasetan ti 100 tropa a Pilipino ken 50 a tropa ti Australia idi Mayo 13 iti hedkwarters ti 5th ID idiy Gamu, Isabela, nga agbayag agingga Hunyo 21.

Karaman iti daytoy a *war games* ti panagipabanto kadagiti *mortar* ken operasyon ti *drone* a mangiribok kadagiti komunidad, ken ti "kontra-terorismo" a nangnangruna a nakasentro iti panagranggas kadagiti mannalon ken aktibista.

Kabayatanna, mangirüssuat ti US ti RimPac *war games* iti nadumaduma a paset ti Asia ken US manipod Hunyo 29 agingga Agosto 4. Ti RimPac (Rim of the Pacific) ket naikuna a "kadakkelan a naval war games" iti intero a lubong. Ti Pilipinas ket lumaok kadaytoy.

Kontra-Balikatan 39-24

Iti panaglippas ti Balikatan idi Mayo 10, pinuoran dagiti nadumaduma a grupo ti bandera ti imperialista nga US iti sango ti hedkwarters ti AFP idiy Camp Aginaldo, Quezon City. Tinubngar da ti panangtulaw ti US iti soberanya ti Pilipinas, dagiti panaglabsing iti karbengantao daytoy, ken panangisungsong iti Pilipinas iti durduran a gerra iti kalaban nga imperialista a China. Nagisab-it met kadagiti balatengga idi Mayo 6 dagiti grupo idiy Ilocos Norte.

Kabayatanna, idiy pagilian ti Australia ket inrüssuat ti Kabataang Makabayan (KM) ken Katipunan ng mga Gurong Makabayan (Kaguma) dagiti bukod da nga aktibidad tapno tubngaren ti Balikatan. Ti konsulado ti US idiy Melbourne ket pininturaan ti KM idi umuna a lawas ti Mayo.

Kabayatanna, nangibitin dagiti miyembro ti Kaguma iti dakkel a balatengga iti maysa a rangtay idiy Malibay, Pasay idi Mayo 10. Nakasurat ditoy ti "Sarangeten ti imperialista a gubat! Idur-as ti demokratiko a rebolusyon ti umili!"

AB

Isubli ti 5-tawen a franchise! Nagprotesta dagiti mano gasot a drayber ken opereytor ti dyip idi Mayo 16 iti sangoanan ti LTFRB idiy Quezon City tapno kondenarenn ti bilin a tiliwen dagiti saan nga agpasakop iti maipapilit a konsolidasyon dagiti prangkisa. Inrupir dagiti drayber ken opereytor a maisubli ti 5-tawen nga indibidwal a prangkisa da para iti pagbiagan da. Idi Mayo 14, nagprotestada met iti sango ti Korte Suprema tapno iduron ti korte a mangipaay iti sungbat iti petitison da a mangpasardeng iti kapilitan a pannaka-urnos ken pannaka-ipatungpal ti PUVMP.

Lider-mangmangged ti KMU-SMR, binirok iti kampo-militar. Dagiti kabagian ni William Larosa, nadukot a lider-mangmangged idiy Southern Mindanao, ket nagirüssuat ti *search mission* idi Mayo 14. Nagturong d iti kampo ti 103rd IBde idiy Davao City gapo iti tip a sadiay ti nangilemmengan ken Lariosa. Napanda met iti regional office ti CHR ken ti DOLE idiy Davao City tapno iyumang da ti kasos ti nadukot a lider.

Aldaw ti Mangmangged pangsalun-at, linagip. Nagmartsa dagiti mangmangged pangsalun-at idi Mayo 7 idiy Manila ken Baguio City. Kiddaw da ti makabiag a sweldo, kinatalged iti trabaho, nayon a taw-an iti ospital, kalintegan iti trabaho ken kalintegan ti umili a Pilipino iti salun-at. Nanglukat da met kadagiti protesta ken dadduma pay nga aktibidad kadagiti syudad ti Iloilo, Bacolod, ken Cebu, iti Camarines Norte, ken kadagiti rehiyon ti Soccsksargen ken BARMM. Dagiti Health Workers United for Wage Increase ken Alliance of Health Workers ti nangidaulo kadakuada.

Dagiti trabahador ti PLDT, agwelga. Nagbotos ti 3,390 kadagiti 4,041 a nakaykaysa a trabahador ti PLDT a pabor iti panagwelga iti sango ti saan a panagtignay ti maneydsment iti panagawag da a manglukat ti negosasyon a CBA para iti 2024-2027. Inrugti da ti *strike vote* weno panagbotos nga agwelga idi Mayo 14 ken 15 kadagiti amin a sanga ken opisina ti PLDT iti pagilian. Tallo a bulanen a nangipaulog ti unyon iti pammilin para iti negosasyon ngem awan ti sungbat ken inggagara nga intantan ti kumpanya ti pannakairugi na. Nagprotesta da met iti DOLE idiy Intramuros, Manila idi Mayo 13.

73-ektarya a daga idiy Angeles City, ilaban. Nagpiket dagiti mannalon ken residente manipod iti Barangay Anunas, Angeles City, Pampanga iti DAR ke Kongreso idi Mayo 13 ken 14. Kayat da a maisubli ti 73-ektarya a daga iti Sityo Balubad a tinagikua ti Clark Hills Properties Corporation. Mangipatulod iti resolusyon iti Kongreso a mangusig iti panangsamsam iti daga.

Sarangaten ti operasyon ti Makilala Mines Corporation Inc idiy Kalinga

Ti Cordillera People's Democratic Front (CPDF)- Kalinga ket umaw-awag kadagiti minoridad ken mammalon a sangsangkamaya a mangsaranget iti operasyon ti Makilala Mines Corporation Inc (MMCI) iti ili ti Pasil, Kalinga. Daytoy a kumpanya ket maysa a subsidyaryo ti Celsius Resources ti Australia.

Ti panagpuunan ti MMCI idiy Kalinga ket kasukat ti panagsubasta ni Ferdinand Marcos Jr kadagiti rekuoso ti pagilian iti kaudian a panabisita na idiy Australia. Inikkan ti rehimeng na ti kumpanya iti Mineral Production Sharing Agreement (MPSA) idi Marso. Ti MPSA a naited iti kumpanya ket agpaot iti 25 agingga iti 50 a tawen.

Ti nalawa a daga a sakupen ti MMCI ket paset ti tawid a daga dagiti katutubo a Balatoc. Gamgamen dagiti operasyon na ti 2,500 ektarya a kauonanna a daga.

Ti Maalinao-Caigutan-Biyog (MCB) mining deposit ti balitok ken gambang iti igid ti Pasil River ti pagminasan ti MMCI. Ti kumpanya ket mangbusbos iti ₱13 bilyon iti MCB Copper Mining Project tapno mangrugi ti operasyon kadaytoy a tawen. Manamnama a mangrugi a bumirok ti minasan iti maikadua a tawen ti panagoperar. Ti MCB deposit ket asideg iti Dickson deposit a damo a naminas ti Batong-Buhay Gold Mines Inc ken dagiti nadumaduma a kasosyo na.

Maibatay iti MPSA, makaawat ti nasyonal a gobyeno iti paset ti produksyon a mairaman ti sangapirit nga *excise tax* iti mineral a produkto ken ti 4% *royalty*, kasta met ti sumagmamano a buwis ken mabayaan. Ti lokal a gobyerno ti Pasil

ket bayadan laeng ti MMCI ti ₱183,000 kada tawen. Kabayatanna, ti MMCI ket manamnama a makaurnong iti 2.25 milyon a tonelada ti ore weno mineral a bato iti rugi ti operasyon, ken mamindua iti dayta kadagiti sumarsaruno a tawen.

Maiuar iti sabali a pagilian ti balitok ken gambang a maminas ti MMCI idiy Kalinga. Maipapaay dagitoy kadagiti imperyalista a pagilian para iti *automation* ken "green technology".

Napeggad ken makadadael

Awanen ti sabali pay nga ipaay ti panagminas kadagiti umili ti Kalinga no di ti kinaderrep ken ti nasaknap a pannakadadael ti daga ken kabambantayan. Usaren ti MMCI ti *sub-level open sloping* (SLOS) a wagas nu sadino nga agkali kadagiti *tunnel* nga agingga 600 metro a kauneg. Dagitoy a tunnel ket mausar iti aggigiddan a panagurnong ti ore.

Dagitoy a tunnel ti pakaipupokan ti 78% ti "mine tailings" weno rugit ti minas inton agsardengen ti panagminas. Ti dadduma a mabati a basura ket panggep na nga iproseso kano tapno maikkat dagiti makasabidong a kemikal ken mausar a pagmulaan weno panggabor kontra-layus ken iti konstruksyon. Nakasina nga ibangon met ti dam a pangibukbukan ti danum manipod kadagiti *tunnel* ken panangproseso

iti mineral a naglaon iti gambang, asido, ken dadduma pay a makasabidong a kemikal.

Ti minasan ket uma-

gaw iti suplay ti danum ken kuryente. Mangbangonto iti dakkel a dam a pagurnongan iti nadalus a danum manipod iti Kafacruton Creek. Umgaw daytoy ti danum manipod iti Pasil River a kangrunaan a pagaysan ti danum idiy Kalinga.

Ti suplay ti kuryente iti Cordillera ket maapektaran met gapo ta 12 megawatts ti usaren ti MMCI para kadagiti operasyon na. Malaksid iti National Grid, mangala ti kumpanya iti kuryente iti uppat pay a maibangbangon a proyekto ti kuryente idiy Kalinga.

Iti ngatuen ti daga, 31.83 ektyarya met ti sakupen dagiti opisina, planta ken dadduma pay a pasinidad.

Ti estado ti mangibangon iti Lubuagan-Batong-Buhay-Abra Road a 85.5 kilometro ti kaatiddog na para iti pagimbagan ti MMCI. Ditoy a maipan ti naproseso a gambang a maipan kadagiti puerto ti Salomague, Cabugao ken San Esteban, dagiti ili idiy Ilocos Sur.

Kakumplot ti MMCI ti reaksyonaryo a gobyerno iti panangpapartak iti proseso tapno malukatanen ti pagminasan. Katinnulong ti National Commission on Indigenous Peoples (NCIP), a mangbingbingay ken paggaapaen dagiti nailian a minoritya ken manglaplapped kadakuada nga agkaykaysa a mangsaranget iti pagminasan. Kas iti ado a kaso iti intero a pagilian, inallilaw ti NCIP dagiti katutubo tapno likawan ti kidkiddawen ti linteg a "Free, Prior, and Informed Consent" weno pammalubos ti komunidad sakbay nga agopereyt dagiti kumpanya ti pagminasan.

Dagiti yunit ti militar ken pulis ti manggwardya iti pagminasan. Iti kabambantayan ti Kalinga, nairugi ti nasaknap nga operasyon a kombat iti linged ti kontra-insurhensya tapno maparmek ti ibubusor dagiti umili iti proyekto.

Naadaw iti praymer ti CPDF-Kalinga maipapan iti MMCI.



Dagiti minero idiy Benguet, nagbarikada

DAGITI MINERO TI Dontog-Manganese Pocket Miners Association (DOMAPMA) nagbarikada maibusor iti dakkel a kumpanya ti pagminasan a Benguet Corporation, Inc. (BCI) idiy Sityo Dalicno, Barangay Ampucao, Itogon, Benguet idi Mayo 13. Ti barikada ket paset ti pannakidangadang da tapno masalakniban ti karbengan da iti daga ken pagbiagan da maibusor iti inkapilitan a panangsamsam ti BCI kadagiti *pocket mine* ti DOMAPMA ken ti di nainkalinigan a panagpangato ti abang kadagiti alikamen a pangminas.

Babaen ti mandar ti BCI, pinabalin dagiti lokal nga ahensya ti gobyerno a maiparit ti bassit nga operasyon ti panagminas ti DOMAPMA gapo iti isyu ti "regulasyon" ken "isyu a pang-aglawlaw" a pinataod kano ti operasyon. Patien dagiti minero a pambar laeng daytoy tapno makastrek ti BCI iti lugar.

Agdagop iti 500 agingga 1,000 a trabahador ti mapukaw ti pagbiagan da gapo iti ilegal a pannakaserra ti pagbiagan da. Naapektaran met ti panagbiag dagiti katutubo iti komunidad ken kadagiti kabangibang a barangay, ken uray pay kadagiti dadduma a probinsya iti Cordillera ken Cagayan Valley nga agub-ubra ditoy.

Sakbay pay a pinasardeng ti BCI ti panagminas, pinadas dan ti agminas iti DOMAPMA agraman ti daduma a paset ti barangay ti Ampucao ken Virac. Kakumplot ti kumpanya ti National Commission on Indigenous Peoples tapno mapapartak ken agkusit kadagiti dokumento para iti espesyal a pammalubos. Pinanggep da a likawan ti proseso ti panangala ti Free, Prior, and Informed Consent manipod kadagiti katutubo iti lugar.

Sakbay dayta, nagsayangkaten ti barikada maibusor iti manangabuso ken mananggamgam a BCI dagiti dadduma a residente idi Abril. Inrupir da nga aramiden a nalaklaka ti gatad dagiti alikamen a pangminas nga ipapaabang kadakuada.

Awan pay latta hustisya idiy Marawi City

SUMAGMAMANO A LAWAS sakbay ti maika-7 tawen nga anibersaryo ti panagbomba ti Armed Forces of the Philippines (AFP) idiy Marawi City, nagprotesta dagiti umili tapno agkiddaw da iti hustisya a nabayagen a naitantan. Idi Mayo 13, naggumong idiy Rizal Park ti syudad dagiti residente a saan pay nakaawid kadagiti komunidad da.

Sinalungasing da ti panagkirmet ti Marawi Compensation Board (MCB) iti maiparbeng a maawat da a kompensasyon wenco danyos tapno mabalin da a bangonen manen dagiti nadadael a balay ken sanikua da. Imbes a mangted kadakuada iti umdas a pondo, nangipaay ti MCB iti baro a "pamuspusan" ti panangkwenta iti pannakadadael a nangikkat iti "depreciation cost" (imbabada a gatad ti sanikua gapo iti panaglabas ti tiempo wenco pannakadadael) dagiti sanikua. No nadadaan ti istruktura, dakdakkel ti maikissay ket ngarod basbassit ti magunggona. Iti sidong dayta, otomatik a makissayan ti naikeddeng a kompensasyon ti maysa a *claimant* iti 60% agingga 85% no minimum a 10 tawenen daytoy a nakatakder sakbay a bombaan ti AFP.

Daytoy ket maikontra iti immuna a naituding a proseso ti Implementing Rules and Regulations (IRR) ti Marawi Siege Compensation Act. Naibasar daytoy a linteg iti "fair market value" (wenco presyo iti pagtagilauan) a resulta ti pannakiyuman kadagiti nagkiddaw, wenco iti "replacement cost" wenco "repair cost" dagiti naan-anay a nadadael wenco saan unay a nadadael a pagtaengan wenco pasdek ti kultura ken komersyo. Awan ti otoridad ti MCB a mangbalbaliw kadagiti pagalagadan iti panangkwenta a nailanad iti linteg, sigun kadagiti nagprotesta.

Mapattapatta a masapol a mangilatang ti nasyonal a gobyerno iti di kumurang a ₱5 bilyon kada tawen tapno mabayadan amin a dinadael ti AFP. Lima tawen laeng ti panagpaot ti MCB, ket kalpasan dayta awan ti maawat dagiti biktimia.

68 ektarya a daga, naiballigi dagiti mannalon ti Tinang

OPISYAL A BINIGBIGEN ti reaksyonaryo nga estado ti panagtakua ti 90 a mannalon a kameng ti Malayang Kilusang Samahan ng mga Magas-saka ng Tinang (Makisama-Tinang) iti 68 ektarya a daga iti Hacienda Tinang idiy Concepcion, Tarlac idi Mayo 8. Daytoy ket resulta ti tallo a dekada a pannakidangadang para iti daga ken ti pannakairugi manen ti kampanya a pananggun-od iti daga iti forma ti bungkalan idi Hunyo 2022.

Impaay ti Department of Agrarian Reform ti Certificate of Land Ownership Award kadagiti taga-Tinang kalpasan a namin-ado a nawaswas daytoy iti sangoanan ti nakaad-ado a panagsasaruno dagiti protesta, dayalogo ken kampuhan.

"Nagballigi kami iti panagtittinlong mi a nanggun-od iti kalintegan ken hustisya. No saan tayo nga agkaykaya ken agtalinaed a natibker, uray no adda iti benneg tayo ti kinapudno, saan a talaga a boluntaryo a maitied ti kalintegan. Masapol nga ilaban dayta," sigun ken Alvin Dimarucut, daulo ti Makisama-Tinang.

Bayat ti naan-anay a panakaited ti titulo iti daga, kiniddaw met dagiti mannalon ti pannakawaswas ti amin a kasu a naidataq maibusor iti Tinang 83 kas iti *obstruction of justice, usurpation of property rights, human trafficking, ken child exploitation*. Ti Tinang 83 ket dagiti mannalon ken tagasuporta da a naaresto bayat ti panangisayangkat da ti bungkalan idi Hunyo 2022.



"Nadalus" nga enerhiya idiy Batangas, narugit a pagalaan ti kwarta

Gapo kadagiti natural a kinabknang ti probinsya ti Batangas ken ti benta-he a pwesto na iti pagilian ken rehiyon, ado a negosyante ken gangan-naet ti agkatkatay kadaytoy.

Sumaggamano a tawenen a karaiso a reaksyonaryo nga estado ti panagkissay ti panagsanggir iti *fossil fuel* (langis ken karbon) kas gubuan-yan ti enerhiya ti pagilian. Iti sidong ti turay ni Duterte, nangrugin ti pagilian a nanglukat kadagiti gangan-naet a pamastrekan iti *renewable energy* (saan a naibatay iti langis ken karbon) ken nadalus (saan a mangpataud iti polusyon wenco rugit). Iti sidong ti turay ni Marcos, pinalubosanna ti 100% a panagtagikua ti ganggannaet kadagiti kasdiay a pasilidad.

Umiso ken nainkalintegan ti panagregget ti ado a sektor ti kagimongan a mangusar iti nadalus nga enerhiya tapno masalakniban ti lubong manipod iti panagbalbaliw ti klima. Ngem saan a dayta ti panggep dagiti ganggannaet a korporasyon ken dagiti burgesya kumprador a kasosyo da, agraman dagiti burukrata-kapitalista, a sipapardas a naggunay iti panagrang-ay iti *renewable energy*.

Iti intero a pagilian, sumaggamano laeng a pamilya ken kumpanya ti agik-ikut kadagiti planta a mangpataod ken mangipaay iti kuryente, usar ti angin, danum, karbon, ken

liquefied natural gas (LNG). Idiy Batangas City, adda pasilidad dagiti Ayala ken Aboitiz ken dagiti negosyante a da Manny V. Pangilinan (MVP), Ramon Ang ken Enrique Razon Jr. Ti anak ni Sen. Loren Legarda a ni Leandro Leviste nga akin-kukua ti Solar Philippines Power Project Holdings Inc. (SPPPFI) ket adda met ditoy. Ti pamilya a Tan ti agtagikua iti Citicore Solar Power Plant idiy Tuy a mangsuplay iti kuryente iti Emperador ken ti Tanduay Distillery idiy Balayan ken Lian.

Idi 2016, nangipatakder ni Leviste iti kaunaan a *solar farm* ti SPPPFI iti 160 ektarya a katanapan idiy Calatagan. Idi 2023, ginatang da Razon ken Leviste ti dua pay a *solar farm* idiy Batangas. Panggep da a bangonen ti kadakkelan a *solar farm* iti intero a probinsya, a sakupenna ti Nueva Ecija ken Bulacan.

Idi Disyembre 2023, impakaammo ni Pangilinan ti pannakalugi ti Roxaco Land Corporation idiy Nasugbu. Kabayatanna, nairaman ti pannakaserra ti Central Azucarera Don Pedro Inc (CADPI)—maysa kadagiti dua nga asukarera iti probinsya ken maikadua a kadakkelan iti pagilian.

Iti tawen 2024, naibutaktak ti

makagapo iti desisyon ni Pangilinan a nangdadael iti pagbiagan ti rinibrido a Batangueño nga agun-unas. Impakaammo na idi Marso a gintang na ti Solar Phil New Energy Corporation (SPNEC), maysa a kumpanya iti sidong ti SPPPFI ni Leviste. Kasukat daytoy, inlako na ti ROXACO ken ni Leviste. Kaykayat ni Leviste ti nalawa ken tanap a kau-nasan ti Hacienda Roxas para kada-giti *solar farms* na.


Bigbigbigen dagitoy a burgesya ti tarigagay a mangpataod iti nalaka a kuryente para iti pagilian ngem ti agpayso ket ti kasumbangir na. Ngimmato ti presyo ti kuryente gapo ta adda sumaggamano a tattao a mangtengtenggel iti dayta. Ti mangkontrol iti suplay ti mangkontrol met iti pannakaiwaras.

Rinibo a mannalon ken manggalap ti mapapanaw kadagiti lugar da gapo laeng iti planta ken pasilidad da. Karaman kadagitoy ti 26,000-ektarya a *geothermal powerplant* ti Aboitiz idiy San Juan, Lobo, Rosario ken Taysan, ti 10,000-ektarya a *solar farm* da Leviste ken Razon iti makinlaud a paset ti Batangas.

Sumrek pay iti eksena ti plano ti Basic Energy a *wind powerplant* a mangsakop iti 2,835-ektarya a daga iti igid ti baybay ti Balayan ken Calatagan a kukua ni Ramon Villavicencio. Kasta met laeng a planta ti plano ti Philippine National Oil Company a maipasdek iti mismo a tengnga ti baybay idiy Mabini.

Babaen ti pannagi-innuna dagitoy a kumpanya a mangibagonon kadagiti bukod da a pasilidad, pinukaw da ti pagimbagan ti nakaad-ado a Batangueño a napapanaw kadagiti pagtaengan, daga, ken pagsapulana. Ad-adda pay a madadael ti aglawlaw gapo iti di responsible a panagtibbag iti igid ti baybay ken ti pannakarugit dagiti danum iti Verde Island Passage.

AB



ADDA
69%

a posibilidad a ti agdama nga El Niño iti Pilipinas ket agbalinto a **La Niña** manipod Hulyo agingga Setyembre.

Pakabigbigan daytoy ti masansan ken napipigsa a tudo a mangyeg kadagiti layus, nangnangruna iti makindaya a paset ti pagilian.

Pammataudan: PAGASA



70%

a ngimmato ti kaso ti **cyber crime** idi 2023 no ikumpara iti 2022, mailaksid kadagiti kari ti **SIM Card Registration Law** a naipasa idi Oktubre 2022.



Kaadoan kadagiti kaso ket **online scam**, a nagdoble manipod 7,203 idi 2022 agingga iti 14,030 idi 2023.

1.6 a terabyte



ti kadakkal ti **data** a tinakaw dagiti **online hacker** idi Mayo kadagiti kompyuter ti **Philippine National Police** a nangdetalye iti personal nga impormasyon ti **589,615** nga indibidwal a **nangirehistro kadagiti paltoq da.**

Ti insidente ket kaudian laeng kadagiti ado a kaso ti panangkalkal kadagiti pangpubliko a database nga iggem dagiti ahensya ti estado a nangibutaktak iti sensitibo a pribado nga impormasyon dagiti umili.



1 TI TUNGAL 3

nga ubbing a Pilipino ket **pandek** gapo iti nakaro a malnutrisyon ken **kaawan ti akses iti kalidad a serbisyo para iti ubbing.**

Pammataudan: PIDS-Edcom 2

May 27, 1999

pinasingkedan ti Senado ti Pilipinas ti Visiting Forces Agreement (VFA) a mangpalubos iti libre a panagdalliasat dagiti tropa ti US ken ti nawaya a pannakipaset dagiti eroplano ken bapor a pakigubat iti daga, baybay ken tangatang ti pagilian.

Nupay ibilang ti Pilipinas a maysa daytoy a katulagan, maysa laeng daytoy nga *executive agreement* (EA No. 199) idiyay US.

May 16, 1966

a nairussuat ti Great Proletarian Cultural Revolution idiyay China babaen iti panangidaulo ni Mao Zedong ken dagiti komunista a Chinese. Iti simmaganad a sangapulo a tawen, milyun-milyon nga agtutubo ken umili ti China ti nagtignay a mangilaksid iti moderno a rebisyonismo, mangsarangget iti panagregget ti dadduma a mangisubli iti China iti dalan ti kapitalismo, ken mangpatibker iti sosyalismo idiyay China.

Naparmek ti GCPR idi mangabak dagiti sentrista-makakannawan nga elemento iti uneg ti komunista a partido idi 1976. Rinibba da dagiti komuna, insubli da ti daga iti pribado a panagtakikua, pinagbalin da a pribado ti ado a kompanya ti gobyerno ken linuktanna ti ekonomya iti pananggamgam ti imperyalismo nga US.

Dagiti panagbomba, panangaresto ken kinaranggas ti militar ken pulis

Kadagiti kallabes a lawas, ti terorismo ti estado iti sidong ti turay ni Marcos ket awan-anawa. Nairekord dagiti kasos ti panagbomba, iligal a panangaresto ken pananglipit babaen iti panagikaso ti "terrorism financing" maibusor kadagiti demokratiko nga organisasyon ken sektor.

Panagbomba. Nangitinnag dagiti jet fighter ti Philippine Air Force iti 10 bomba kadagiti barangay ti Peñablanca, Cagayan idi Mayo 10 iti alas-2 ti parbangon. Natinnag dagitoy idiy Sityo Ebi, Lapi ken kadagiti kabangibang a barangay. Nangnegrugdagiti nakaam-amak a panagbit-tak, istraping ken panagtayab ti jet fighter agingga kadagiti ili ti Baggao, Enrile, Amulung ken iti Tuguegarao City. Di kumurang a 690 pamilya ti napilitan a naglibas gapo iti terorista a panangraut ti militar kadagiti komunidad.

Pannaka-aresto. Idi Abril 21, inaresto dagiti soldado ti 4-bulan a masikog a Dumagat-Remontado a ni Manilyn dela Cruz. Napabasol kas miyembro ti New People's Army (NPA), ken naidaron kadagiti agtutuun a kriminal a kasos. Sakbay a natiliw, napuntaan iti bala manipod iti awan aniaman a panagpaltog dagiti soldado iti kalapaw a pagnanaedan da a sangapamilyaan idiy Sityo Pinamaypayan, Barangay Umiray, Dingalan, Aurora.

Idiy Taguig City, nasentensyaan ken naibalod idi Mayo 16 ti NGO worker a ni Salome Crisostomo-Ujano, agtawen iti 67, gapo iti kasos a panagrebelle. Nairaman ni Ujano iti maysa nga engkwentro ti NPA ken dagiti soldado idiy Quezon a napasamat idi Nobyembre 2005.

Idiy Cebu City, inaresto idi Mayo 13 ti 26 nga agdama ken sigud nga staff ti Community Empowerment Resource Network (Cernet) Inc (mairaman dagiti tallo a natay) ken ti maysa a lider-mangmangged iti kasos a "terrorism financing". Pinabasol ti organisasyon a mangmangted ti pondo iti NPA-South East Negros. Nagpyansa dagiti biktimas tapno temporary a mawayawayaan.

Panagpatudo ti bala. Ti 94th IB ket nagpatudo ti bala idiy Barangay Carol-an, Kabankalan City, Negros Occidental idi Mayo 6 a pinaruar na nga engkwentro. Gapo iti pammaltog, nasurok 480 nga umili ti Sityo Tagoc, Bobon, ken Matampa ti Barangay Carol-an ti nagbakwit. Karaman kadagiti napilitan a nagbakwit ti 146 ubbing ken 14 nataengan.

Kinaranggas kadagiti babbai. Dagiti assawa a babbai dagiti balud a politikal a bimmisita iti National Bilibid Prison idi Abril 21 ket pinaglabus. Ti maysa kadakuada ket 10 a dasas a pinagturirit ti maysa nga opisyal ti pagbaludan. Impambar da nga agbirbirok da ti iligal a droga, kadawayan a mapatpaturirit ken sirsiripan ti pribado a paset dagiti babbai a bumisbisita iti pagbaludan.

Pananglipit. Binutbuteng ken linipit dagiti ahente ti 10th ID idi Mayo 9 ni Ricardo Baron, 71, organisador ti Transmision-Piston idiy Agdao, Davao City. Dua oras isuna a "kinasarita" ken "paspasukuen" dagitoy.

Idiy Ilocos Norte, arbitraryo a kinumpiskar ti lokal a pulis dagiti questionnaire ti Alyansa ng mga Magsasaka sa Ilocos Norte (AMIN) a mangam-ammo ti kasasaad ti komunidad iti daytoy a panawen ti El Niño idiy Barangay Puzol, Pinili idi Mayo 10. Signu iti AMIN, nagturong dagiti opisyal ti pulis iti balay ti maysa a residente ti barangay no sadino a nakumpiskar dagiti dokumento.

Al Nakba, linagip iti tengnga ti naranggas a kampanya nga henosido ti Zionista nga Israel idiy Palestine

KAGIDDAN TI MILYUN-MILYON nga umili iti lubong a nagsayangkat kada-giti panagtignay kas pannakikaykaysa kadagiti Palestino, nagmartsa agturons iti embahada ti Israel idiy Bonifacio Global City (BGC) idiy Taguig City dagiti agtutubo ken dadduma pay a sektor idi Mayo 15. Kinondenar da manen ti henosido ti US ken Israel idiy Gaza, nangruna ti panangraot da idiy Rafah, ti makunkuna a "maudi a sangtwaryo" ti ginasot a ribo a Palestino.

Pinadas dagiti pulis ken gwardya ti BGC a pasardengen ti protesta, a na-kaigapuanan ti pannakasugat ti 15 a raliyista.

Adda nakasina a protesta idiy Quezon City kinamalman na dagiti dadduma a progresibo ken nailian-demokratiko a grupo.

Kamaymaya dagiti panagtignay iti internasyunal a kiddaw tapno lagipen ti maika-76 nga anibersaryo ti Al Nakba (Ti Didigra) no sadino nga immuna a naranggas a pinatakyas ti tignay a Zionista dagiti Palestino manipod ka-dagiti daga da tapno maibangon ti es-tado ti "Israel". Papairtengen ti umili iti sangalubongan dagiti panagtignay maibusor iti Zionista nga Israel iti sa-ngoanan ti di agressat a panagbomba ken panangraot na idiy Gaza. Karan man ditoy ti panagrang-ay dagiti protesta dagiti estudyante iti nasurok 100 a dadakkel nga unibersidad idiy US, kasta met idiy France ken Australia.

Sigun kadagiti nagprotesta, ti agdama a panangpapatay idiy Gaza ket dakdakes ngem ti Nakba idi 1948 isu a masapol nga agtultuloy nga agtignay dagiti umili iti intero a lubong a mangpasardeng iti dayta.

Manipod idi Oktubre 7, 2023, nasuroken a 38,000 Palestino ti pinapatay ti US-Israel idiy Gaza, ken nasuroken a 2 milyon ti naawanan ti pagtaengan ken napapanaw kadagiti komunidad da.